



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. XX. Monumenta Autoritatis Secundi Ordinis in Diœcesanâ Synodo,
desumpta ex Canonibus, qui præscribunt ea quæ non potest Episcopus
statuere sine consensu aut consilio sui Capituli.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

Spectarent : talia forent Disciplina puncta , præcepta sub penis gravibus , verbi gratia , sub pena Excommunicationis majoris , aut suspensionis totalis solo facto : talis adhuc esset impositio quarumdam obligacionum novarum & extraordinariarum ; aliudè materia admittit ratiocinum à minori ad majus ; ex una , de potestate , agitur ; & ex alia , de Bono publico : utrumque Secundo Ordini favorable est .

CAPUT XX.

Monumenta auctoritatis Secundi Ordinis in Dioecesana Synodo , desumpta ex Canonibus , qui prescribunt ea quæ non potest Episcopus statuere sine consensu aut consilio sui Capituli .

Satis omnibus notum est , Ecclesia Cathedralis Clerico aliquo modo Clerum Dioecesanum representari , perfectè adumbratum Synodo Dioecesana ; quod Viros Celebres ad dicendum impulit , non semel in suo Capitulo , Episcopo Synodum perpetuam esse , quæ Dioecesana Synodi defectui suppler , cum non congregetur : ut ergo Dioecesana Synodus pejoris conditionis esse non debet , quæ Synodus perpetua , quæ ad summum est Synodi Dioecesana adumbratio , oportet ut , si secundus Ordo in perpetua Synodo auctoritate gaudeat , eadem , potiori jure pollet auctoritate in Dioecesana Synodo : non immerito ergo hujusc auctoritatis testimonia petuntur , ex Canonibus , qui Capitulorum spectant auctoritatem .

Hos inter Canones , triplicis sunt generis . Alii designant res , quas non potest statuere Episcopus sine Capituli consensu , alii res , quas sine suo consilio , alii denique , quæ verbis utuntur , quæ possunt intelligi vel de consensu , vel de consilio .

Principi Canones primi generis hi sunt , qui prohibent , ne ab Episcopis fiant magna alienationes , siue Capitulorum consensu . Talia sunt Capita 1. 2. 3. 7. 8. 9. de his quæ fiant à Prelato Cap. 3. de Emptione . Cap. 2. & 7. de Donationib . Cap. 6. de Instituitionibus .

Caput 2. de his quæ fiant à Prelato , certos nos facit , hunc consensum , sive tacitum , in eo , scilicet , situm , quod Capitulum noscens alienationem ab Episcopo factam , silentium servat . Caput. 3. ejusdem Tituli , & Caput 7. de donationibus , alienationi posteriori consensum sufficere assertur .

De magnis alienationibus mentio duntaxat facta fuit , quia *Canon Terrulas* permittit Episcopo parvas facere alienationes , licet non petierit sui Cleri consensum .

In aliis rebus , quas potest Capitulum facere unà cum Episcopo , hic nempè Episcopus nihil potest sine Capituli consensu . Hinc *Caput 13. de Rescriptis* in 6. statuit quod , ubi receptio Canoniorum ad Capitulum pertinet , & ad Episcopum , consensum ipsius esse necessarium pro gratiis Expectativis , non minus ac Episcopi consensum . Hinc quoque , cum Episcopus legitimè impeditus ad suas functiones obeundas , Coadjutores sumere volebat , Capituli consensu indigebat , talis est depositio *capitis unici de Clerico aggrante* in 6. quæ eo præcisè fundatur , quod multæ ex his functionibus sint , quas aliquo modo exercet Capitulum unà cum Episcopo ; quia ipsi præbet è suo Corpus , quibus indiget , Ministris .

Ut Capitulum Jurisdictionem sui Prelati exercet sede vacante , illiusque particeps est dum non vacat , *Caput 17. de Majoritate & obedientia* statuit , Praltatum , qui turbatur in possessione juris Primatus , sine sui Capituli consensu , nullum pactum facere posse . Quod hic Textus de jure Primatus affuit , debet extendi ad omne jus , quod spectat Capitulum .

Ob eandem rationem desumptam ex Capituli commendo , Episcopus sine Capituli consensu non potest Latinis subiecere , nec bona non moventia , nec jura sua

Tom. I.

Ecclesia : minùs adhuc ipsam Ecclesiam . *Capite 2. de rebus Ecclesiasticis non alienandis* in 6. Caput autem illud deponitur ex Concilio Lugdunensi II. anni 1273 .

Quadam erant Beneficiarum collationes , quas non poterat Episcopus facere sine sui Capituli consensu , quamvis solus conferret . *Cap. unic. ne sede vacante* in 6. Episcopus non potest procedere ad Canonorum correctionem , nisi conjunctim cum duobus ; ad hunc finem electis , *Capite 6. sessione XXV. de Reformatione* Concilii Tridentini .

Maxime notabilis Canonum , qui loquuntur de necessitate quam habet Episcopus , sui Capituli consilium adhibendi , desumitur è *Capite 3. de Confusione* in 6. quod declarat , olim Episcopum non potuisse procedere ad inquisitionem , animadversionem , correctionem culparum hominum sua jurisdictionis , sine hoc consilio , nec potuisse ab hac lege legitime lata recedere .

Quædam erant Capitula , quorū consilium se qui tenebatur Episcopus , in conferendis Beneficiis ; & , si in eo casu decebat Episcopus , aut suspensionem incurrebat , collatio non spectabat Capitulum , nisi forte absolvit negigeret Episcopus , ne sede vacante in 6.

Concilium Tridentinum cogit multis in casibus Episcopum , consilium Capituli petere . 1. pro Electione Magistri , qui pauperes docere debet Grammaticam *Capite 1. sessione V. de Reformatione* , 2. Ut consulari victui Theologi Professoris ; *eodem cap. 3. 3. Pro Conversione legatorum piorum* , quæ executioni mandari non possunt iustis de causis , in alia opera pia . *Capite 4. sessione XXV.*

4. Pro examine Indulgentiarum , quæ promulganda erant à Mendicantibus *Capite 9. sessione XXI.* 5. pro creatione , Fundatione , Dotazione Seminariorum *Capite 18. sessione XXIII.* 6. pro substitutione Judicum electorum à Concilio Provinciali , vel à Synodo Dioecesana , pro causis commissis in partibus à Sancta Sede . *Capite 10. sessione XXV. de Reformatione* .

Nec dicendum est his in Casibus Episcopum teneri duorum duntaxat Canonorum adhibere Consilium , cum hi duo totum Capitulum non representent . Concilia Provincialia post Concilium Tridentinum habita , mentionem quoque faciunt de aliis casibus , in quibus Episcopus debet Capituli Consilium adhibere 1. pro Statutorum reformatione , 2. pro determinatione functionum , quæ sunt tribuenda dignitatibus & officiis ; quibus nullæ sunt annexæ functions . 3. ad adjungendum cuique Præbenda aliquem Ordinem Sacrum .

Quoad Canones , qui verantes ab Episcopo quædam res fieri inconsulto Capitulo , utuntur terminis , qui possunt significare consensum , aut consilium . Unus est in Titulo de *Excessibus Prelatorum* *Capite* , scilicet , primo , docemur , ab Episcopo non posse suspendi Presbyteros , nec in Ecclesiis interdictum pronuntiare , sine iudicio Capituli . Reipsa verbum , *judicium* , potest approbationem , ut consilium , significare .

Quod si relati Canones tantam auctoritatem tribuunt Capitulo Ecclesia Cathedralis , quæ solummodo Synodum Dioecesana representat , ut cogant Episcopum ad petendum consensum suum in sex Casibus , & suum consilium in decem vel duodecim , nonne credendi locus est ; mentem Ecclesie & stuarum legum animum de Synodo Dioecesana esse Secundum Ordinem , quo constat , in ea ad minimum tantum exercere auctoritatis , quantum huic Capitulo tribuit .